

ოქმი №1

ქალაქი ფოთი

03.11.2020

შეხვედრა შედგა ქალაქ ფოთის მუნიციპალიტეტის მერიაში, მერის სამუშაო ოთხში 18.00-სთ-ზე.

სამოქალაქო მრჩეველთა საბჭოს შეხვედრას ესწრებოდნენ: ქალაქ ფოთის მუნიციპალიტეტის მერი გოჩა კურდღელია, მერის პირველი მოადგილე კონსტანტინე თოფურია, მერიის საფინანსო-საბიუჯეტო სამსახურის უფროსი ვასილ თოდუა. მერიის სათათბირო ორგანოს, მრჩეველთა სამოქალაქო საბჭოს წევრები: ილია ქვარცხავა, ზაზა სიჭინავა, ომარ ხუხუნი, ირაიდა ფაცია, ინგა გვასალია, ვერიკო ლალიძე, რომან მელია, ვახტანგ ალანია, რამაზ იოსელიანი.

დღის წესრიგი

1. ქალაქში მიმდინარე ინფრასტრუქტურული პროექტებისა და 2020 წელს განხორციელებული ღონისძიებების ანგარიში(მომხს:ქალაქ ფოთის მუნიციპალიტეტის მერი გოჩა კურდღელია)
2. ქალაქ ფოთის მუნიციპალიტეტის 2021 წლის ბიუჯეტის პროექტის განხილვა(მომხს:ქალაქ ფოთის მუნიციპალიტეტის მერიის საფინანსო-საბიუჯეტო სამსახურის უფროსი ვასილ თოდუა)

მოისმინეს:1.

გოჩა კურდღელიამ ისაუბრა 2020 წელს განხორციელებულ პროექტებზე. მისი თქმით, 2020 წელს ქალაქის ბიუჯეტი საკუთარი შემოსავლებით 18 581 100 ლარს შეადგენდა.

ინფრასტრუქტურული პროექტებისთვის გათვალისწინებული თანხა 4 428, 7ათას ლარი.

დასუფთავება და გარემოს დაცვა \_1 565,0 ათ.ლარი

განათლება\_ 2 600 ათ. ლარი

კულტურა, რელიგია, ახალგაზრდობა და სპორტი\_3 290,1 ათ. ლარი

ჯანმრთელობის დაცვა და სოციალური პროგრამები\_2 190.0 ათ.ლარი

მმართველობა და საერთო დანიშნულების ხარჯი\_ 4 507,3 ათ.ლარი

ინფრასტრუქტურული პროექტებისთვის გათვალისწინებული ასიგნებით ფოთის ბიუჯეტი 25 მილიონ ლარამდე გაიზრდება. რაც 15%-ით, 2 მილიონი ლარით მეტია 2019 წელთან შედარებით.

მერმა ყურადღება გაამახვილა წყალარინების ქსელის მშენებლობის მიმდინარეობაზე, კუნძულის სანაპირო ზოლის, ცენტრალურ პარკის, ყოფილ ჰიდრომელიორაციულ ტექნიკუმის, ფოთის ცენტრალურ სტადიონის, ბავშვთა საფეხბურთო სკოლის სტადიონის რეაბილიტაციაზე. შენდება სპორტული კომპლექსი საცურაო აუზითა და შესაბამისი ინფრასტრუქტურით, გრძელდება მრავალსართულიანი საცხოვრებელი სახლების სახურავების კაპ.რემონტი და ეზოების კეთილმოწყობა.

მანვე ყურადღება გაამახვილა ჯანდაცვისა და სოციალური პროექტებზე და მოსახლეობის მომართვიანობაზე. მისი თქმით ახალი წლიდან მუშავდება 5 ახალი პროგრამა, რაც საგრძნობლად იმოქმედებს შეჭირვებული მოქალაქეების სოციალურ მდგომარეობაზე. ეს არის: შეჭირვებული ოჯახების შემთხვევაში უზრუნველყოფის პროგრამა; თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა; გენდერული თანასწორობის ხელშეწყობის პროგრამა; მძიმე სოციალურ-ეკონომიკურ პირობებში მარტოდ მცხოვრები (მარტოხელა) სოციალურად დაუცველი პენსიონერი მოქალაქეებისათვის გაზიფიცირების ხელშეწყობის პროგრამა; განსაკუთრებით მძიმე საცხოვრებელ პირობებში, ასევე უბედურ შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარება.

მოისმინეს 2:

ქალაქ ფოთის მუნიციპალიტეტის 2021 წლის ბიუჯეტის პროექტის ძირითად მიმართულებებსა და პროგრამებზე ისაუბრა მერიის საფინანსო-ბიუჯეტო სამსახურის უფროსმა ვასილ თოდუამ.

აზრი გამოთქვას:

ინგა გვასალია, გამოთქვა თავისი მოწონება ახალი სოციალური პროგრამების შემოღებასთან დაკავშირებით. ბინის ქირით უზრუნველყოფა მნიშვნელოვანია გენდერული კუთხითაც და ოჯახური ძალადობის მსხვერპლთა მხარდაჭერის მიმართულებით.

ილია ქვარცხავამ ისაუბრა ქუჩების მდგომარეობაზე. მისი თქმით დასაჩქარებელია კანალიზაციის პროექტი, რათა მოხდეს ქუჩების ასფალტირება და კეთილმოწყობა და ადგილობრივ ხელისუფლებას ამ მხრივ მკაცრი ზომების მიღება მოსთხოვა.

გადაწყდა, რომ შემდგომი შეხვედრა ქალაქის 2021-24 წლების პრიორიტეტების დოკუმენტის განხილვას დაეთმობა.

ქალაქ ფოთის მუნიციპალიტეტის მერი

გოჩა კურდღელია

ქ. კუხიანი

ოქმის შემდგენი

ქალაქ ფოთის მერიის ადმინისტრაციული სამსახურის, საინფორმაციო, საგარეო და საზოგადოებასთან ურთიერთობის განყოფილების სპეციალისტი სოფიო მაჭავარიანი.

ს. მჭ